

Bošnjaci ne mogu imati svoje predstavnike u Skupštini Grada Banjaluka

10/10/2012 18:58 by Administrator

Broj građana bošnjačke nacionalnosti koji glasaju u Republici Srpskoj, iz izbora u izbore sve je manji, što potvrđuju i podaci o njihovom odazivu na ovogodišnje lokalne izbore. Situacija je posebno alarmantna u najvećim gradovima Republike Srpske, Banjaluci i Prijedoru, potvrđuju preliminarni rezultati o broju osvojenih glasova probosanskih stranaka.

Član Predsjedništva Stranke za BiH Dževad Osmanović izjavio je za agenciju Anadolu da, prema do sada prebrojanim glasovima, ni Kalicija za Banjaluku (SBIH, SDA i HNS - NHI), ni SDP BiH, niti SBB nisu prešle izborni cenzus, pa je vrlo vjerovatno da ni nakon ovih izbora Bošnjaci neće imati svoje predstavnike u Skupštini Grada Banjaluka.

Iako prema broju izvađenih CIPS-ovih dokumenata, u Banjaluci pravo glasa ima preko deset hiljada Bošnjaka, znatno manji broj njih danas živi u ovom gradu, a na izbore ih se odazvalo tek nešto iznad 1.500. Ni dijaspora, potvrdio je Osmanović, nije pokazala veliku zainteresiranost za glasanje, pa se tako očekuje da je putem pošte glasalo oko 2.10 Bošnjaka.

Na sceni imamo jednu potpunu pasivizaciju građana koji su izloženi teškoj ekonomskoj situaciji, sveprisutnoj diskriminaciji u ostvarivanju svojih prava, što svakako rezultira i velikom apstinencijom, istakao je Osmanović.

Dodatni problem je i nemogućnost postizanja dogovora svih probosnanskih stranaka o zajedničkom nastupu na izborima, što je u konačnici rezultiralo rasipanjem ionako malog broja glasova.

Kada se tome doda i kompliciran proces registracije za svake izbore građana koji glasaju putem pošte, onda je situacija, podvukao je Osmanović, još teža. U Prijedoru je stanje za Bošnjake nešto bolje, barem s pozicije SDA, koja će u lokalnoj skupštini imati dva ili tri odbornička mandata. Izborni prag je prešao i SDP BiH koji je osvojio jedno odborničko mjesto, dok SBIH nije prešla izborni prag. Bit će uspjeh ako s glasovima iz inostranstva dobijemo pet odborničkih mjesta. I to je značajan pad, jer smo do ove godine u Skupštini Prijedora imali osam odbornika, izjavila je za Anadolu Zinaida Hođić, predsjednica opštinskog odbora SDA Prijedor.

Pravo glasa u Prijedoru ostvaruje 83 900 birača, a broj Bošnjaka s CIPS-ovim dokumentima iznosi 26 hiljada. Od tog broja, isti Hođić, u Prijedoru je stalno nastanjeno oko 16 hiljada, a na izbore je izašlo manje od 50 posto. Ništa veća zainteresiranost za glasanje nije iskazana ni kod Prijedorčana u dijaspori, pa se očekuje, da će putem pošte stati oko 2.500 glasova.

Apstinencija je na najveći problem. Ono što je porazno jeste činjenica da Bošnjaci u RS nemaju izražen nacionalni interes i da nisu svjesni da je snaga samo u njihovim rukama. Dakle, ukoliko ne koriste političke vidove borbe, ukoliko ne glasaju, neće ni moći boriti se za svoja prava. A bez toga, budućnost naše djece i njihov ostanak ovdje potpuno je neizvjestan, istaknula je Hođić.

Dodatni problem za Bošnjake povratnike predstavlja i činjenica da, ukoliko su živjeli u Federaciji BiH, prijavljivanjem boravka u RS gube statusna prava, poput invalidnina i drugih naknada zbog rata i ne vade lišna dokumenta u RS.

Sve ovo, saglasni su sugovornici Anadoluje, posebno će biti problematično nakon što se naredne godine provede

popis stanovništva.

â€ŽBit Äe to potvrda etniÄkog ÄiÄÄenja koju je jedna faÄisoidna politika provela tokom rata i dokaz potpune propasiti provedbe Aneksa VII Daytonskog mirovnog sporazuma. Tako Äe se konaÄno ostvariti interes stanaka koje su od rata vladale u RS-u i Äiji je cilj bi da BoÄnjake i Hrvate, kao konstitutivne narode u ovom entitetu,Â zadrÄe na svega pet postoâ€œ, zakljuÄio je OsmanÄeviÄ u izjavi za agenciju Anadoluja. Izvor vijesti: (Vijesti.ba/AA)